

SCHOTTEDICHTER



Fasnacht 2020

Bruchsch Buttons für d Fasnacht oder unterem Joor,
e Mail längt und di Wunsch wird wohr!

Buttonsprysey (Ø 56mm):

1-50 Stk.	CHF 1.- /Stk.
51-100 Stk.	CHF 0.80 /Stk.
101-250 Stk.	CHF 0.70 /Stk.
Ab 251 Stk.	CHF 0.60 /Stk.

Bisch interessiert? Denn chasch di diräggt
an Luu wände: info@luuki.ch
oder uff www.schottedichter.ch



Kabbi, Restaurant, Pizzeria



Schmittiplatz
Hauptstrasse 23
4133 Pratteln
Tel. 061 821 86 86

Neu täglich offen!

Wo man sich trifft!

Guggemuusig und Schnitzelbängg

Liebi Fründe vo dä Schottedichter

D'Schloogziile uss dr Wält schocke und möche noochdängglic...

Australie isch zeichnet vo dä schlimme Buschbränd. Im Iran wüsch sie sich Rache an dä USA. D'Engländer wüsse nit ob sie wänd drzueghöre oder doch nit. D'Greta reist mit em Schiffli um diä ganzi Wält um em Donald e böse Blick chönne zuewärfen und dr Wältbevölkerig d'Augen z'öffnen. Völlig wältfremd hett sich e Grüppli im März im Kanton Schwyz zeigt, wo sie in wyssen Gwänder d'Fasnacht bsuecht händ.

Ich chönnt jetzt do no ändlos so wyter mache und über negativ, noochdängglichi Ereignis predige, aber s'Läbe bietet viel mehr als schlimmi Noochrichte...

Do chunnt mir als allererschts d'Geburt vo dr Malina in Sinn, em neuschte Mitglied vo dr Schottedichter-Family! E präsidiale Götti-Glückwunsch an Huurtli und d'Annette... Im däm Zämmehang erinnere ich mi sehr gärn an es bsunders Clique-Event im 2019 zrug. Ändi Septämber händ sich bis uff ei Ussnahm alli aggtive Schottedichter mit Chind und Chegel zumene gmuetliche Grill- & Spielplausch troffe... Nach einige Whiskelys hett dä Daag denn sogar no e wesentliche Byytrag an d Süschee-Findig gleistet! E wilers Highlight isch bestimmt s'Mercedes-City-Fescht gsi... Super Wätter, viel Gäscht, e stets volle Grill, feuchtfröhlichi Hälfer und zu guter letscht e tolls finanziells Ergebnis! E grosse Teil drvo händ mir grad diräkt in e neue Prattler Waage investiert.

Dr Alti hett ussdient... Jetzt definitiv... Hett sich eigentlich no guet ghalte, wenn ich mir so überleg, dass dr Mohler Pasci bereits im 2006 vo dr letschte Fasnacht gschwätzt hett!





S'Rad

Schützenweg 7
4133 Prattele

Mir hei offe am Sunndig
nach em Umzug bis ???
und am Zyschtig
vom siebeni
bis am vieri dä morge.

Zum Ässe git's unter anderem
Schwynsrahmschnitzel mit Spätzli und Salat



Werbung – anders – different.ch

different design gmbh
Werbeagentur

St. Jakobstrasse 66
CH-4133 Pratteln

Telefon +41 61 500 51 15



Dr letschti Akt hett är also an dr Fasnacht 2019 vollbrocht... Als Wanze hän mir an Ranze gfroore. Unseri Artgenosse händ so mänge Huushalt in Prattele und Umgäbig zum verzwii fle broocht!

Z'Basel sin mir als Waggis durch d'Gasse zooge und händ s'schwarz im Baslerstab kurzerhand durch grien ersetzt... Denn isch dä

Stab so schwarz wiä är isch, wirklich politisch wirklich korräkt? Aber egal öb schwarz, grien, rot, gääl, pink oder bruun: blau gohts am ringschte...

Sooo, jetzt e Blick in diä noochi Zuekunft... D'Vorbereitige laufe uff Hochtoure! Koschtüm wärde gnäähnt, an dä Wäage gmoolt und gschruubt, Wurfmateriale bstellt, Larve zrächt gmacht, und und und... Es goht nüm lang und diä erschti Fasnacht im neue Joohrzähnt stoht vor dr Tür!

Es würd mi usserordentlich freue, Euch nach em Umzug am 1. Meerz (so ab em halb Vieri) an unserem Apéro dörfe z'gseh! NEU findet dä an dr Hauptstrooss 22 gegeü über vo dr Tierpraxis Flint statt!

In dä m Sinn möcht ich Euch Allne nomol hätzlich für Eure Gönner-Byytrag dangge und freu mi uff Euch!


Preesi





Amsler Sanitär Pratteln

061 821 81 31



seit **>40** Jahren

**Ramseyer
Elektronik AG**
>die Voltprofis<

Zentrale MuttENZ	061 461 12 91
Filiale Aesch	061 751 81 81
Filiale Pratteln	061 821 81 81

www.ramseyer-ag.ch



Wurst City Fest

Wir schreiben den 31. August 2019. Die Schottedichter laden zum kulinarischen Höhepunkt des Jahres: dem Wurst City Fest. Neben einigen Trittbreitfahrern mit Food Trucks oder Nachwuchssängerinnen nutzt auch eine bekannte Auto-

marke den zu erwartenden Besucherandrang, um ihre neusten Modelle zu präsentieren. Auch sie wurden nicht enttäuscht: über 7'000

Besucher fanden sich an diesem Tag ein, um am Wurst City Fest die exklusiv von den Schottedichtern zusammengestellte Menu zu kosten. Aufgrund des grossen Andrangs kamen leider nicht alle Besucher in den Genuss des gepriesenen Wurstmenüs und mussten sich mit milderer Verpflegung wie Fish&Chips begnügen.



PFIRTER
Kundenschreiner

massgeschreinert | individuell | hochwertig

T 061 823 80 48 | M 079 407 97 47



Prattler Fasnacht 2020

Sujet:

D'Füürwehr rennt, wenn's brennt!



Sa 29. Hoornig
Fasnachtseröffnung

So 1. März
Grosser Umzug im Dorfkern

Di 3. März
Kinderfasnacht mit Umzug

Fr 6. März
Fasnachtsabschluss

CHERUS.ch

Das fasnächtliche Treiben konzentriert sich im Prattler Dorfkern,
in und um die Alte Dorfturnhalle herum!

Google Maps



Untermalt von musikalischer Unterhaltung verschiedenster Herkunft servierten die Schottedichter dem interessierten Gourmet hochwertige Créations de Saucisses:



Eingeläutet wurde des Menu mit einem Gruss aus der Küche, einer pürierten Haut des gehäuteten Klöpfers. Der Saisonsalat bestand tref-

fend aus einem Wurstsalat garniert mit Bratwurst, was auch unter den veganen Gästen Begeisterungsströme ausbrechen liess. Nach der anschliessenden Wurstcremesuppe Conchita waren die Gäste bereit für den Hauptgang bestehend aus einer himmlischen, liebevoll geschnittenen Currywurst Maybach an einem Hauch von Diesel.




Schlussendlich vermochten die Köche mit dem Dessert, einem Merquez-Soufflé, die hohen Erwartungen vollends zu erfüllen, ja sogar zu übertreffen. Wohlgewurstet liessen die Gäste wie auch die Schottedichter den Abend an der Bar einer hoffnungsvollen Jungbretzlerriege ausklingen.

Da ja bekanntlich die Wurst zwei Enden hat, darf das andere Schlussbouquet nicht unerwähnt bleiben: Die massiven Einnahmen aus diesem Happening spendeten die Schottedichter gewohnt grosszügig für einem guten Zweck: einen neuen Waagen für die lokale Kulturveranstaltung Prattler Fasnacht.





Gerigk
Malergeschäft



Th. Gerigk GmbH

Sodackerstrasse 24 | 4133 Pratteln

Telefon 061 821 52 12 | Fax 061 821 31 65

Grütter

Schlosserei + Maschinenbau GmbH
Fahrzeugbau

Wildensteinerstr. 21
CH-4132 Muttenz

Tel. 061 821 94 00
Fax. 061 821 94 05



**Restaurant zum Park
Pratteln**

Fasnächtliche Spezialitäten
mit **Schnitzelbänk** und **Guggemuusig**
am Sonntag und am Dienstag

Fam. De Battista mit Team
4133 Pratteln, Telefon 061 821 51 45

Miss Gönner

Es freut d'Redaggtion usserordentlich, für die eimoligi Gaschkolumne d'Verpflichtig vo dr Miss Gönner (die unehelichi Cousine vom Rentner Mc News) dörfe bekannt z'geh...

Im Folgende wird also über völlig zuefällig usgwählti Gönner/inne (die ur-igsässene Schottedichter nenne das Klientel ufgrund vo ihrer Dynamik immer no Passivmitglieder...) meh oder weniger Positives - aber sicher nur Woohrs - brichtet...

So tumme sich im Umfeld vom Aktiv-Preesi Thomas R. us ändlig P. jo bispilswiis nur Gönner-Grössene...

Dr Niggi Suter-Schurter hett mit sine divärse Bike-Trainingsstürz am eigene Liieb ändlig e spooti Rache für sini Nussknacker-Attacke ufe e Prattler Handballtrainer-Legende erfahre und wenn mir grad bim doch sehr breitesportmässige Niveau sprich bim Hand-Bällele bliibe, so versuecht au dr Comelli si x-ts Comebägg underem Motto: Graui Hoor und kein Tor... Dr Odermatt Pasci hingege fyirt mit em Papamäx im grossem Stil zämme dr gfühlti 100. Geburtstag - also wenn me die beide uf all Fäll am näggschte Daag bim ufruume gseh hett... Dört isch schiins übrigens dr Bruni-brennti Beni immer no am Schnurre gsi...

STICKER | TEXTILDRUCK | WEBDESIGN | MARKETING

TEXO

THINK OUTSIDE THE BOX

design

TEXO-DESIGN BORNHAUSER
KÄNELMATTSTRASSE 37 | 4422 ARISDORF

WWW.TEXO-DESIGN.CH
+41 76 379 88 69 | INFO@TEXO-DESIGN.CH

MARCO HURT.

Sportphysio
Therapie

www.physiofithurt.ch

REHABILITATION UND PRÄVENTION



Uff Eure Bsuech in unserem
Restaurant/Pub mit Fumoir
und gmietlichem Garte freue sich
d Maya, dr Mitch und Team!


Mä findet uns bi dr Tramändstation
täglich vo 08.00 bis 24.00 Uhr.

www.pub-fourteen.ch



Das sich passend zum Aktiv-Strebi us P. au in sim Gönner-Umfeld sämtliches Couleur findet, isch jo klar gsi - aber d'Dichti und die konkrete Uswüchls überstygte denn scho sämtligi Befürchtige ...

Mir gratuliere uf all Fäll em Coiffeur vo Panama und em Balljongleur vom Kanal (au im Name vo de Züüge Patrick Lindner und Elton John) ganz hätzlig und wünsche numme s'Bescht für d'Zukunft ... die beschte Wüsch gönge natürlich au an Dart-aber-Herzlich Star Fäbse Heinimaa und d'Muriel (die beide no inere klassischere Päärli-Variante).



(Bei der Geburt/Hochzeit getrennt)

Bim Aktiv-Lukas P. us P. gits au no e paar glatti Gönner/inne-Gselle... So hett schiins dr Matze Knopp zämme mit sim kongeniale WBG Rosematt-Partner Sven Oppliger (richtige Name der Redaggtion bekannt) sämtligi Griientonne in dr Region abfacklet und au s Carol St. us Bossel facklet in Russland nid lang und verbrennt sich fascht ihri zarte Fingerli...



Wärme kommt von innen.....

**Auf über 250 m² Ausstellungsfläche
zeigen wir Ihnen die allerneusten
Cheminéefenmodelle.**

Cheminée

Cheminéesanierung

Cheminéeöfen

Kaminbau-/sanierung

Speicheröfen

**Diverse Ausstellungsmodelle bis
30 % Rabatt**

**FÜRPARADIES**

Fürparadies GmbH Hertnerstrasse 17 4133 Pratteln

www.feuerparadies.ch Tel. 061 827 90 00 Fax 061 827 90 01

Öffnungszeiten: Mo geschlossen Di-Fr 14:00-18:30 Uhr Sa 10:00-14:00 Uhr

Apropos Sven O. respektive Gönner-Dunscht-Kreis vom Aktiv-Martin M. us P.: Dr Matter hett jetzt nid nur e (altersschwachi) Chatz dähei, sondern neu isch er au no uf e Hund cho - dä isch in de erschte Wuche und Mönat scho vil aktiver als er jeh ufem Fussballplatz gsi isch... Do vom Trio Eugschter-Meier Kudi/Hampe/Dadudi no ich-au-Klagene hängig sin, dörfe mir an dere Stelle do leider nüt brichte... Aber das stimmt alles sicher au näggscht Joor no...

Gspannt warte mir bim Aktiv-Schbolli sine Jünger konkret bim Beni Wälchli druff, was für e Unfall vor dr Fasnacht er z'stand bringt - sprich mit welleme kreative & fahrbare Untersatz er somit in Basel mit de Schotte das Joor unterwäggs isch... Hals-oder doch lieber wahlwiis Beibruch wünsche mir natürlich nid an dere Stelle...

Drfür wünsche mir em höggschtens 10. wichtigschte Stöckli vo Prattele also em Reto mit Frau und Chind numme s'Bescht für d'Zukunft und gratuliere vor allem zur glückte Baby-Namenswahl...

Bliibe mir grad bi de Stöcklis (Wichtigkeitsgrad stark steigend) - bim Aktive-Betzge/Bele/Stö respektive sim Umfeld... Komisch dass sich grad bi ihm so vil Prattler Schnurriesche im Gönnerfeld finde. An dr Spitze verträte vom Gaudio Toni und dr Furler Regine - aber Potential wär do jo scho no vorhande, zum Biispil vo A wie Adiletten-Kätti bis Z wie ... guet zumindescht bis D wie Dürr Maya ...

Die (zumindescht dr Vorname) bringt uns - ach welch Wunder - grad direkt zum Aktiv-Mitch... Mit dr andere legendäre Maya sprich sinere kongeniale Co-Wirtin alias Mamamaya, mamamaya - fiehrt er jo syt gli ämene Joor s'Pub 14 - dört wird (nit nur vo dr Wirtin) im Dart- und Tabak Dunscht-Näbel au immer vil gschwätzt und debattiert... Nur hän dört syt Neuschtem schiins Katholike kei Zutritt meh underem Motto: Ist die Katze eingesperrt im heiligen Keller, dreit s Schnitzchen dure - aber schneller...



Fenster.



Brandschutz.



Innenausbau.



SCHREINEREI SCHNEIDER



Bim Aktiv-Mohler brichte mir do no nüt Konkrets, e Uswahl sprich e churzi namentlich Ufzählig vo dene heerschare vo doch mehrheitlich ziemlich abghalftere sprich ehemolige Fasnachtsgrössene us sim diräkte Gönner-Umfeld spricht do au äso Bänd... Trainer-Fuxx Aerni Heinz, Mooler-Chatz Felber Klotz Sandra, Trink-Kater KANUNI, Holz-Wurm Lerch Andi, Spedi-Güggel Miesch Martin und wirklich Last und nid Least dr Wasauimmer-Giraffe Sutter Josua... Dr Pasci chönnt also mit dene ufem Gländ vom Ozeanium glatt e neue Fasnachts-Zolli ufmache ...

Bim hurtige Aktive-Marco isch das Ganze scho e bitz schwieriger... Do leider d'Morse-Stand-Leitig usem Fricktal mit News über d Gönner/inne vom Marco H. us W. (jäwohl richtig gläse: Wallbach!) nonig so richtig funktioniert an dere Stelle ganz eifach härzlige Glückwunsch zum Nochwuggs! Aber Dorli und Co. - au über euch finde mir no öppis use, falls d'Miss Gönner im 2021 doch nomol sett brichte...

**Hans & Bea und s ganze Team hän e Grinse im Gsicht:
„Bi uns sin d Schotte erscht am Morge dicht!“**

● Restaurant Klemme

★ Herzlich Willkommen in
euserer Fasnacht's Beiz

● Hauptstrasse 21, 4133 Pratteln

★ TEL. 061 599 01 13



Zu guter Letscht gits natürlig au usem Gönnerchreis vom Aktiv-Käch us no immer B. oder doch scho M. öppis z'brichte... Dört wird vor allem entweder ghürotet (e abstiigende mit emene ufstiigende Handballstärn = Gratulation Tom und Claudia) oder sogar grad gwor... also em Nochwuchs s'Läbe gschänkt - au euch Bussi und Liseli ganz härzlige Glückwunsch und em Papa Bussibär witerhin gueti Närke... Do nämlich die holde Sacklüchte-Gattin in dr Terminplanig öbbe glich stark isch wi bi dr Sujetuswahl - muess jetzt dr Stöffel B. dr Baby-Schwümmkurs ame doch eher unglückliche Daag bsueche...

Uf das abe gönne mir uns ein an dr Fasnacht und dänket dra:
Merci für alli Steilvorlage, denn => Miss Gönner News are even better News!



Dr gueti alti McNews gniest witterhin sie wohlverdiente Ruhestand... Um ihn gebührend z'Ehre, nämme mir d'Fäde vo sine letzte Byträg nomol uf... Uf de neggste Syte & Heftli führt d Redagtion euch durch d Zyt sitt dr Gründig vo de Schottedichter und verzelle drbi dr einti oder anderi Schwank wo d Welt, Prattele und d Clique bewegt hän... In dere Usgoob d Joor 99-01!

Ähnlichkeite zu reale Persone sin selbstverständlich pure Zuefall und basiere lediglich uf dr Phantasie vom Leser...

Wichtigi politischi Ereignis sin bishär oft falsch dargstellt worde. So au im **1999**: bis jetzt isch wenig bekannt gsi, dass dr Boris Jelzin in däm Joor zruggrätte isch, will er's nid vrkraftet het, gege d Schottedichter im Wodka-Pong z verliere. Ä gwüsse Wladimir Putin isch denn Präsidiänt vo Russland worde. D Yladig chunnt no Wladi!

In dr Schwiz isch d Ruth Dreifuss ersiti Bundespräsidentin worde und in Amerika het d Lewinsky-Affäre für roti Köpf gsorgt. (Dr gueti Gschmack verbietet uns, die beide Ereignis in irgendeiner Form zämme z verknüpfe.) Jedoch isch die chic Monique in Europa dure Uftritt vo de Schottedichter an dr Fasnacht Prattele erst so richtig bekannt worde:

*Mir stürme s Oval Office - forza avanti
und verwütsche zwei grad in flagranti
Dr Bill und s Moni möche langi Gsichter
s ganz Büro voll mit Schottedichter
Weg unsre Kilt daschs komische dra
het dört inne kein me Hose a*



Mode: Knieschoner

Dorfgschicht:

Dr Stauffi nascht s 1. Mol anere Portion Kaiser-Schmarn
S Larifari duurt s erscht mol unter 3.5 Stund
S Kuppelwiser-Käthi unterschriibt e lukrative 30-Joor
Wärbedeal mit Adidas

Fisch des Jahres: Nordseeschnäppl
(*Coregonus oxyrhynchus*)



Musik:

Luu Bega: Mambo Nr. 5
Eiffel 65: Blue (Da Ba Dee)
Gölä: I hätt no viu blöder ta





Fasnacht hin oder her. Wir halten Sie nie zum Narren.

Christoph Bussinger, Leiter Individualkunden & Makler
T 061 927 22 38, christoph.bussinger@mobiliar.ch

Generalagentur Liestal
Roger Kamber

Burgstrasse 6
4410 Liestal
T 061 927 22 22
liestal@mobiliar.ch
mobiliar.ch

die Mobiliar

Restaurant Schützenstube



Hauptstrasse 55
4133 Pratteln
061 821 50 04




Mandala

Blumen und Geschenke

Schmiedestrasse 5
CH-4133 Pratteln
+41 61 821 20 72

www.mandala-pratteln.ch
mandala@mandala-pratteln.ch

Die Fahrschule in Ihrer Region



Bahnhofstrasse 28
4133 Pratteln
Tel. 061 821 10 05
www.alpha-drive.ch



Glücklicherwys hän mir am 1. Januar 2000 festgestellt, dass mr trotz Lothar, Joorhundertchläpper am Vorobe und em totale Absturz vo allne Computer uf dr Wält immer no do sind.

Was wird uns wohl erwaarte in däm neue Joortuusig? In

dr Schwiz wird dr Dölf Ogi Bundesbreesi und ähne am Teich übernimmt dr George W. Bush s Rueder. Was hän mir dört noch glacht und dänggt, dass das jo nüm schlimmer cha wärde bi dene... In zoologischer Hisicht isch vorellem ei Ereignis usegstoche: D Schotte-dichter hüüle an dr Fasnacht wie d Ühle. Als Schleyer-ühle, wo sich im Turm vo dr reformierte Kirche ygnistet hän, luege sy au durchuss mol bitz melancholisch zrug:



*Doch fliege mir zrug ins alte Joortuusig,
was alles dört schön gsi isch und was drfür gruusig
Denn wüsse mir nid recht was mir do sette fühle
sell me sich freue oder doch besser hüüle
Nur in eim gits au wifers keini halbe Sache
dass mir immer mit Freud wänn Fasnacht mache*

Staude des Jahres: Fetthenne

Fisch des Jahres: Atlantischer Seelachs

Sportlicher Höhepunkt: Mitch Hofmann gewinnt den Rülpswettbewerb in Gran Canaria



Dorfgschicht

S Dürr Maya seit ufgrund vo Angina mol für 2 Minute nüt
Dr Pfarrer Klein wäscht syni Hoor zum erste Mol mit Javelwasser
Dr Gumpi schloht sy eigene Rekord im Kommandostabhochsprung

Musik

Tom Jones & Mousse T. - Sex Bomb
Britney Spears - Oops! ... I did it again
Modjo - Lady (Hear me Tonight)





ETRAVIS

KRIEGEL + CO

Ihr regionaler Elektriker.




ETAVIS Kriegel + Co. AG
Rheinstrasse 45
4410 Liestal
Tel. 061 905 88 88
Fax 061 905 88 80



F. Koch AG

www.kochkeramik.ch



Unsere Fachgebiete

- Wand- und Bodenbeläge aus Keramik
- Natursteinarbeiten an Wand und Boden
- Sitzplatzbeläge in Splitt verlegt
- Aussenbeläge allgemein
- Treppenbeläge
- Schwimmbadbeläge
- Grossformatige Platten verlegen
- Intensivreinigungen bei Plattenbelägen
- Wartungsarbeiten bei Fugen
- Reparaturarbeiten

F. Koch AG, Lachmattstr. 1, 4133 Pratteln

Tel.: 061 826 90 30 / E-Mail: marc.koch@kochkeramik.ch



Th. Frapolli GmbH

Umbau & Kundengipser

Thomas Frapolli

Kilchmattstrasse 25 • 4435 Niederdorf

061 903 81 18 • 079 641 67 50

kontakt@frapolli.ch

www.frapolli.ch

Immene ganz verrückte Herbst 2001 hets au ä grössers Loch im Kerosinkässeli vo unserer nationale Fluggsellschaft geh und d Flugzüg vo dr Swissair sind am Bode blybe. Logischerwys händ sy denn druf abe miesse s Air abgeht. Dr Wahnsinn het au im Stall Yyzug ghalte: d Chüeh hän vorem respektiv wägem BSE-Virus zitteret, woruf au dr



Umsatz vo dr Chueli Bar drastisch ybroche isch. Aber in Prattete isch jo in däm Joor ä neue Place-to-be, jä sogar ä plats att vara, ufgange. Ob mir jetzt no wohne oder scho läbe chönne mir jedoch do au nid abschliessend kläre. Drfür het me chönne kläre, dass ä Fүүrwehrma sälber in Prattete s eint oder ander Fүүr gleit het. Grund gnueg für d Schottedichter, sich dere Thematik an dr Fasnacht azneh:

*Dank sine Tate - und das losst uns kei Rueh
het d'Prattler Fүүrwehr ändlich z'tue
Denn ä alti Wiisheit lutet - s'isch allne ghüür:
E Fүүrwehr ohni Fүүr - wär wirklich z'tüür*

Dorfereignis:

Dr Josi schlooft bi dr Eröffnig vom IKEA immene Leksvik und lyt immer no dört

Prattler Wiehnachtsmärt: Zwei Ständ vorem Coop (sälbergstrickti Sogge vom Stöcklivreni und ä Surprise-Verkäufer)

Gemüse des Jahres: Tomate

Haustier des Jahres: Bergischer Schlotterkamm

Streuobstsorte des Jahres: Rote Sternrenette

Musik:

Zucchero - Baila

Christina Aguilera & Muttis:

Lady Marmalade

Safri Duo : Played-a-live





**Täglich frische
hausgemachte
Spezialitäten:
Döner Kebab,
Holzofen-Pizza's,
Pide & Lahmacun**

**Burggartenstr. 14
4133 Pratteln
Tel.: 061 821 30 33**

**NEU:
Holzofen- und
Kohlengrill**

**Öffnungszeiten:
Montag bis Sonntag
8.00 – 23.00 Uhr**

**Schüler-Menü:
Döner/ Dürüm/ Dönerbox
mit Getränk CHF 10.–**



Nach-Umzugs-Zvieri

S Schottedichter "Zvieri" findet au das Joor wieder nach em Umzug statt:

Sunndig 1. März

Mir treffe uns ungefähr ab de halb Vieri das Joor am
neue Ort, nämlich an dr

Hauptstroos 22
bim Ramseyer Elektro

Es gitt wie immer öbbis chlises zum ässe und natürlich
gnueg zum astosse. Mir freue uns, möglichscht vill vo Euch
dörfe willkomme z'heisse!



WILLYHERB AG

Burggartenstrasse 8 · 4133 Pratteln

T 061 821 73 90 · www.willyherbag.ch

BÖDEN. EINFACH ZUM WOHNFÜHLEN!

Die Bodenfachleute mit Ideen

die

boden

fachleute